

Broj: 06-11-7-635-2/20
Sarajevo, 23.06.2020. godine

Na osnovu člana 18. stav (1) Zakona o javnim nabavkama („Službene novine Federacije BiH“, broj 39/14), direktor Federalnog zavoda za agropedologiju, donosi

O D L U K U o pokretanju postupka javne nabavke

I.

Federalni zavod za agropedologiju u skladu sa ukazanom i planiranom potrebom pokreće postupak javne nabavke usluga putem pregovaračkog postupka bez objave obavještenja o nabavci – godišnje održavanje i usmjeravanje (validacija) Kjeldahl sistema, godišnje održavanje i umjeravanje (validacija) Sistema za vodu- ELGA i nabavka rezervnih dijelova sa ugradnjom i potrošnih materijala za laboratorijske instrumente.

II.

Zakonski osnov za provođenje postupka javne nabavke predstavlja član 21. stav (1) tačka c) i član 28. Zakona o javnim nabavkama („Službene novine Federacije BiH“, broj 39/14) (u daljem tekstu: Zakon).

III.

Predmet javne nabavke, određen u Planu nabavki Federalnog zavoda za agropedologiju za 2020. godinu pod rednim brojem 29. je usluga – održavanje laboratorijske opreme – Kjeldahl sistema, peć za žarenje i sistem za vodu sa ugradnjom rezervnih dijelova.

IV.

Procijenjena vrijednost nabavke 10.000,00 KM (slovima: deset hiljada konvertibilnih maraka i 00/100).

V.

Novčana sredstva iz tačke IV. ove Odluke planirana su u Budžetu Federacije Bosne i Hercegovine za 2020. godinu („Službene novine Federacije BiH“, br. 99/19).

VI.

Vrsta postupka javne nabavke je pregovarački postupa bez objave obavještenja sa jednim pozvanim kandidatom/ponuđačem, a u skladu sa članom 21. stav (1) tačka c) Zakona, obzirom da zbog suštinskih, tehničkih i razloga koji se odnose na zaštitu ekskluzivnih prava samo jedan dobavljač, „MPS-lab“ d.o.o. Sarajevo može pružiti usluge – nabavka rezervnih dijelova sa ugradnjom.

Naime, donošenju ovakve odluke prethodio je postupak analitičkog istraživanja tržišta ugovornog organa za predmetnu nabavku.

Rezultat izvršene analize visoko sofisticiranog i ograničenog tržišta koje obuhvata predmetne usluge je konstatacija data od Sektora za laboratorijska istraživanja (Laboratorija), koji se bavi predmetnom oblasti, da se radi o vrlo uskom tržištu za koje je lako dokaziva

ograničenost izbora na samo jednog ponuđača. Također, za predmetnu nabavku ne postoji veći broj potencijalnih konkurenata, niti ugovorni organ ima alternativni izbor jer se radi o uslugama i robama koje zbog suštinskih tehnički dokazivih razloga, koji se odnose na zaštitu ekskluzivnih prava može pružiti i isporučiti samo jedan dobavljač.

U ovom postupku nabavke radi se o zaštiti ekskluzivnih prava kada samo određeni ponuđač može izvršiti predmetnu nabavku, a obzirom da je aktom kompanije Kjeldahl – „MPS-lab“ d.o.o. Sarajevo imenovan za jedinstvenog predstavnika u Bosni i Hercegovini i da je ovlašten da obavlja poslove u ime Kjeldahl-a, pokrenuta je procedura pregovaračkog postupka bez objavljivanja obavještenja o javnoj nabavci sa jednim ponuđačem, što znači da je navedeni kandidat/ponuđač jedini koji može da izvrši predmetnu nabavku.

Ugovorni organ će prilikom provođenja predmetnog postupka voditi računa da ugovorena cijena ne bude veća od uporedne tržišne cijene i sa dužnom pažnjom će da provjerava kvalitet usluga i isporučene robe.

VII.

Kriterij za dodjelu ugovora je najniža cijena tehnički zadovoljavajuće ponude.

VIII.

Ostali uslovi javne nabavke će se odrediti tenderskom dokumentacijom.

IX.

Provođenje postupka javne nabavke iz tačke I. ove Odluke obavit će Komisija za javne nabavke, koja će se imenovati posebnim rješenjem.

X.

Odluka stupa na snagu danom donošenja

Dostaviti:

1. Služba za pravne i opće poslove
2. Služba za fin.-rač. poslove
3. web stranica
4. a/a

